



清代起居注冊

國立故宮博物院珍藏



同治朝第一冊

國立故宮博物院珍藏



清代起居注冊

同治朝
第三冊

同治元年五月上……一二七
同治元年五月下……一二三五
同治元年六月上……一三五五
同治元年六月下……一五〇五

清代起居注冊——同治朝

(清)桂清楊等奉敕撰 民國72年 臺北市 聯合報
文化基金會國學文獻館印行 影印本

43冊 21公分

據國立故宮博物院藏手稿本影印
聯經出版事業公司總經銷

I. (清)桂清楊等奉敕撰

654.78
7436
72

NT\$ 86,000.00

72·12·0650

·89007160·

清代起居注冊

同治朝第三冊

資料提供者 國立故宮博物院
景印者 聯合報文化基金會國學文獻館
發行人 王必成
發行者 聯經出版事業公司

臺北市忠孝東路四段五五七號
電話：七六〇一六一一三三七
郵撥：一〇〇五五九號

行政院新聞局登記證局版臺業字〇一三〇號
保有版權·翻印必究

中華民國七十二年十二月初版

咸同兩朝共壹佰冊
定價每部新台幣八六〇〇元

同治元年歲次壬戌五月初一日壬午內閣
奉

諭旨本日殿試揆出懷挾之江西貢士陳倬福建
貢士程光溥廣西貢士盧龍光均著即行斥革
交刑部審辦又奉

諭旨李鴻章奏請將新授道員開缺並將堪任監
司之員保請簡用各摺片據稱新授江蘇蘇松

糧儲道楊坊現在丁憂未便到任湖南在籍翰林院編修郭嵩燾學識閎通志力堅卓授以監司實缺於察吏整軍諸事均能有所裨益各等語楊坊著開缺仍留江蘇軍營差遣其江蘇蘇松糧儲道員缺即著郭嵩燾補授並著曾國藩李鴻章飭令該員迅赴新任又奉

諭旨李鴻章奏查明克復青浦縣城詳細情形一

摺青浦縣城克復大概情形前日已據薛煥奏
到茲據該署撫奏稱官軍自四月初三日會同
英法兩國克復嘉定後約會副將銜華爾商同
英國提督何伯法國提督卜羅德挑備勁旅規
復青浦十一日何伯卜羅德等帶兵二千餘名
華爾帶常勝軍一千六百餘名直抵該縣城下
十四日寅刻英法將士環攻南西二門常勝軍

徑攻東門參將李恆嵩等督飭各隊並青浦縣
知縣廖秩瑋帶團會攻北門其小西門水道亦
經已革提督曾秉忠派令遊擊曾敏行等統帶
礮船堵截賊匪負固抗拒我軍奮勇環擊復經
西兵施放炸彈火器並以大礮轟坍西南城牆
十餘丈即由西門首先登城華爾督勇繼進羣
賊忙亂我軍一擁而上殺賊甚多餘逆奪門衝

出中外兵勇痛加截殺該逆進退無路投水死者不計其數陣斬悍賊千餘名生擒三千餘名救出難民三千餘人當將青浦縣城克復此次英法兩國提督會同官軍克復縣城實屬誠悃可嘉著該署撫傳旨褒獎副將銜華爾著以副將補用青浦縣知縣廖秩瑋失守城池本有應得之罪此次隨同克復縣城著加恩免其治罪

仍帶革職處分留於本城效力其餘在事出力
員弁著李鴻章擇尤保奏

是日

起居注官寶珣楊泗孫

初二日癸未內閣奉

諭旨前因京師入夏以來雨澤愆期節經降旨拈
香祈禱猶未渥沛甘霖四月十九日朕復親詣

大高殿並派惠親王綿愉詣覺生寺設壇虔禱並派
恭親王奕訢等分詣各處拈香至本月初一日
申刻濃雲密布甘澍滂沱仰蒙

昊慈垂佑寅感實深從此渥澤優霑更冀頻邀
鴻貺允宜敬謹報謝用答

天庥著於本月初三日派恭親王奕訢詣

大高殿恭代申謝仍詣

時應宮拈香覺生寺著派惠親王綿愉拈香

黑龍潭著派奕劻拈香

宣仁廟著派惇親王奕誼

凝和廟著派鍾郡王奕詒

昭顯廟著派孚郡王奕誨拈香俱著先期齋宿

於初三日分詣行禮虔申報謝

大高殿覺生寺即行撤壇又奉

諭旨賈禎奏請將行文錯誤之員議處等語內閣
侍讀文埇於大學士賈禎註明迴避字樣移會
禮部文內誤註開列實屬疏忽文埇著交部議
處又奉

諭旨前因崇實查奏撤任知府楊重雅並無抽呈
隱飾情弊與原叅情節不符降旨交駱秉章秉
公確查據實覆奏茲據奏稱四川幕友邵桂芳

呈控田良占泰一案楊重雅因當軍務喫緊之際未便接收查辦將原呈付與抱告經該督詳加查訊並無抽呈寢息賄和串弊等事自係實在情形崇實前稱楊重雅歷任官聲甚好採訪輿論亦屬相符所有楊重雅被叅一節著毋庸議仍照駱秉章前次保奏以道員儘先補用餘著照所議辦理又奉

諭旨駱秉章奏川省軍需款項數目牽混請飭調
經手各員來川覈算一摺據稱川省所用軍餉
自咸豐三年起有由局撥解各路糧臺者亦有
由司庫徑發各帶兵員弁者款項數目轆轤不
清若不及早清釐則日積月累愈難稽覈請調
原辦經手各員澈底覈算等語休致四川按察
使蔣徵蒲已革成綿龍茂道濮詒孫均著星速

前赴四川會同現在川省之已革布政使祥奎
及從前經手局員將歷年司庫動撥防剿經費
銀兩澈底清算並著駱秉章督同現任總局司
道確切查覈分別准駁如有浮冒侵挪情弊即
行從嚴叅辦餘著照所議辦理

是日

起居注官額勒和布鮑源深

初三日甲申內閣奉

諭旨綿勳奏病難速痊懇請再行賞假並暫開所
管差使一摺綿勳著賞假一月調理其所管各
項差使著毋庸管理又奉

諭旨內務府奏殺虎口監督松琿丁憂回旗親賚
盈餘銀兩交納一摺另片奏徵收藥稅未能足
額及設措撥解款項等語著戶部查覈具奏又

奉

諭旨都察院奏江蘇生員遣抱告以家屬殉難懇
請代奏議卹等詞赴該衙門呈訴江蘇武進縣
生員錢晉之父錢思美於咸豐十年間賊陷常
州郡城時督勇守禦罵賊遇害伊母錢高氏伊
妻錢董氏俱同時自盡洵屬深明大義忠烈可
嘉著曾國藩李鴻章查明奏請旌卹又奉